

張永爵

昌平總鎮標下都司

劉文輝

廣東水師營守備

呂承恩

廣西鎮標守備

徐光魁

山東沂州守備

周景舜

鞏華城守備

選舉表第七

卷八

道理記第八

光緒昌平州志卷九

宋道里

太平寰宇記昌平縣州西北九十五里

明道里

萬厯順天府志昌平州至府九十里

國朝道里

吳志州境東西九十二里南北一百五十里東至高麗營四十五里順義縣界西至峯山村四十七里宛平縣界南至小馬房五十里大興縣界北至二道關

大新圖云少元
一百里黃花路界

此四正之境

東南至沙子營五十里大

興縣界西北至枯漿村四十三里白洋城界西南至

泰州務四十五里宛平縣界東北至渤海所一百二

十里黃花路界

此四隅之處

正東去順義縣九十里正西

去鎮邊城一百里正南去順天府七十五里正北去

永甯城一百二十里東北去密雲縣一百里東南去

遵化縣三百五十里

此六到之區

采訪冊州城在府北七十五里東五十里至順義縣

界西一百里至鎮邊城南三十三里至宛平縣界北

一百里至邊牆東南五十里至大興縣界西南四十
五里至宛平縣界東北一百里至懷柔密雲兩縣界
西北一百里至橫嶺城宣化府延慶州暨懷來縣界
東西廣一百五十里南北袤一百三十三里詳見輿
圖

采訪冊在城鋪南一里至道前鋪十一里至沙屯鋪
八里至沙河鋪十八里至迴龍觀鋪十二里至清河
鋪五里至宛平縣雙泉鋪在城鋪東八里至新莊鋪
十二里至新峯鋪十二里至牛房鋪八里至粉莊鋪

十里至順義縣高麗營鋪在城鋪東北八里至何家
營鋪二十二里至芹城麻峪鋪十二里至鮑魚泉鋪
十四里至平義分鋪十四里至喬子鋪五里至懷柔
縣松棚鋪在城鋪西八里至舊縣鋪七里至龍虎臺
鋪十五里至延慶州臭泥坑鋪

道理記第八

風土記第九

光緒昌平州志卷九

冠成童則加冠三加之禮久廢舊志所謂按儀禮遵行者今不復見

婚先以媒妁通言女氏許之然後納采俗曰定親娶之前一兩月遣使如女氏納幣約吉期前一日女氏使人張陳壻之室厥明壻家用鼓吹備輿轎娶之士大夫家亦多行親迎禮新婦入門壻婦同拜天地畢行合卺禮廟見禮始拜舅姑三朝婦出茶果饋舅姑家衆畢集序長幼定稱呼遂理婦事女家乃卜吉備輿

大新昌平州志 卷九
馬接婦壻同往謂之回門壻至拜見女父母尊長

喪初喪遷居正寢屬纊含斂男括髮女去頭飾乃成服
告於鄉社之廟曰三次三日乃止謂之報廟書死者
姓氏年月榜於門謂之殃榜遣人訃告戚友三日來
弔是夕用紙人輿馬書死者姓名於紙孝子負之奉
以登車焚之謂之接三自是朝夕哭奠葬乃止葬之
前一日成主堂祭讀祝文講禮經明日葬戚友扶孝
子至墓所是日卒哭六十日百日大小祥禫皆祭二
十七月服除

祭士大夫奉主於宗祠鄉民奉主於家凡遇祭期設酒饌以薦清明則墓祭

士務實學尙質樸貧者多耕田自養無奔競逐末之風舊志所謂足迹不入公庭耳目不交市僧非虛語也農山居之民以果樹爲業山外者專務力田供賦養親惟此是賴然素鮮蓋藏一遇凶年支絀立見是不可不早計也

工地雖密邇京師然人鮮興作奇技向無所施工匠朴拙自安半以務農爲業以工傳家者甚屬寥寥

商州向無富商大賈各集市鹽典諸商皆非土著之人
間有貿易者不過在京師一帶從無遠出千百里者
是亦風俗之善也

節令元旦昧爽祭神祀祖卑幼拜尊長上元張燈放花
礮清明插柳於門祭先祖培墳墓端午中秋重陽冬
至皆饋送宴樂除夕齋戒不苟葷

風土記第九

祠廟記第十

光緒昌平州志卷九

社稷壇

在州城西門外少南

雲雨風雷山川城隍壇

在州城南門外少西

先農壇

在州城門外

厲壇

在州城東門外少北

二賢祠

在學宮內祀狄梁公劉諫議明昌平道栗永祿建今廢

都龍王廟

在龍王山巔明洪武八年重修光緒四年祈雨有靈奏請御賜祥徵時若扁額重修殿宇

關侯廟

一在州治西南

一在州城東門外

馬神廟

在州城東門內

土地祠

在州署內

火神廟

在城內東北隅

白馬山神廟

在州治西北金承安年建今久廢

城隍廟

在州署西

明劉一麟城隍廟祀田記 城隍之祀古不經見迨宋姚鉉編唐文粹始載李陽冰縉雲城隍祠記是祠肇於唐而盛於宋元者我明定禮樂之極大釐祀典城隍之神始著令甲自都城以及郡邑各有廟祀有事於山川社厲則載其主以行押羣祀焉職郡邑者必先蒞而後從事夫厥典良重矣我昌平畿輔爲郡於制有廟有司歲祀惟謹耆民侯蕙等私謂常祀之外瞻依輒輟塵積褻毀殊非祇奉神明之道乃結社鳩貲買田若干畝以奉時祀歲時伏臘必祭致祭必齋不謹則罰後期則罰仍命黃冠者一人主田會事戒之曰私漫之會勿假賓客之宴勿需香火之奉勿褻觀者謂其義起之禮可紀也遂礪石具狀丐余言以示永遠余謂城隍之祀非古也城隍之祭有田愈非古也雖然緣民情而可以裨化聖哲不必廢也夫古道漓散至教靡定祠禱之事千科百種禍福縈懷死生惑衷殘形破產以奉佛老者何限 嚴防亟禁

迄弗可止人心之溺既深且久矣祀田之舉雖非盡
典可不謂充祠禱之類而不失其正者乎較之捐天
倫以事之鬼投浪費以傲必不可得之福者不
啻徑庭矣鴻士遠猷達人隱憂矚明以祛蔽引其漸
以挽其不可止者將不在茲邪將不在茲邪余嘉其
意故爲書之其田畝區至之詳及同社諸姓氏皆附
之碑
陰云

東嶽廟

在東門外少南

英濟侯祠

在大街東巷內

許公祠

在南門內今廢

八蜡廟

在南門外明萬厯年建

明劉文琦新建八蜡廟開水田記古昔重農孟春
元日祈穀上帝啟蟄必祭祭後耕至建亥月復祭蜡
神有八曰先嗇曰司嗇曰百種曰農曰郵表畷曰禽
獸曰坊曰水庸皆宰農事爲萬民司命歲終祀之所
以報本反始息老送終也時郡邑祀典維春秋一展
社稷壇置蜡神不問北地一望蒼莽故沙漠場白壤
而耕維黍稷來牟之類是藝是植不知稻田何狀間
有源泉汗澤障水種稻其中不什之一故太倉之粒
輸自東南陸輓水運如汲西江活鮒魚然昌平枕關
拱極地當孔道南十里兩溪匯流周行爲沼行者錯
趾田間蹄嚙禾稼農夫莫誰何實階之厲吾年伯李
侯家世刺史先守貴筑孳孳課農迄今庚桑祝焉補

祿燕平下車詢民疾苦偶稅駕郊以南園隸無著足處踏青以行愀然思曰古道也魚鼈遊之禾地也與馬馳之豈愛吾民不若魚鼈哉彼汪汪大澤非北地也謂茲地不可以田古鍊石補天鑿龍門導河下砥柱豈異人任而謂造化不在吾手也延父老商之曰是地有大利乃歲歲大害耶吾爲爾遠害圖利語云太上因之最下與之爭不因水因地而令侵道侵禾則互爲爭也曷若因之便地阜者可塗卑者可田水東流可因勢導之下吾當檄請於上相地宜高下因之築大道以通行旅開阡陌以成田疇又引水順流以資灌溉茲舉也商不困行且得大道農不損稼且歛嘉穀水不橫溢且便蓄洩無一害獲三利何憚之不圖父老手加額侯卽日濬鑿庶民子來不數月闢田二百餘畝田野皆青公餘試一巡省耕夫餉婦擊壤而歌帝力稻熟民取其二公籍其一以佐上供之乏因民而利不費民一毛貺之粒食爲德甚著田成復念先王春祈秋報謂司農之神不可忘也捐俸構八蜡廟於原隰之野刻木爲主令耕者收穫者時俎

豆拜禱其下以答明貺介景福固不朽盛事哉昔叔
敖起芍陂楚受其惠李冰鑿灌口蜀以富饒西門豹
引漳於魏興鄴旁稻梁之咏鄭國道涇於秦來谷口
禾黍之謠國朝如馬從隆知霸州勸農桑汪溥知薊
州濬龍池河都聲施後世史冊可考較李侯功德孰
大儼諸郡邑所在溝洫裨國儲不細省東南漕運不
少詎不偉與廟前構亭亭前爲池種荷數百本葉茂
花開灼然河陽滿縣歲時伏臘父老子弟臨流欣賞
一遊一豫殊足以仙按古蜡祭之日天子且黃冠野
服偕更老周旋歛幽頌詩告農工之成擊土鼓恤老
幼以示休息故曰百日之蜡一日之澤仲尼嘗與蜡
賓事畢出遊於觀之上侯此舉政與古合抑亦後天
下之樂而樂耶事始辛亥九月竣壬子三月倡義自
李侯俞允張主先爲署道事張公今本道曹公張諱
櫟別號芋田閩中人曹諱愈參別號坤齋涪州人李
侯諱逢春別號懷萱潼川人皆吾蜀產也合謀興此
大利信蜀有人哉侯起乙酉賢科屬先省元鴈行爲
余父執史遷有言廢世家賢大夫之業不述罪莫大